



LETTRE
ENVOYEE
A LA
REYNE

A LA
MORT DV DVC DE
Chastillon.



A PARIS,
Chez MICHEL METTAYER, Imprimeur ordinaire
du Roy, demeurant en l'isle Nostre Dame sur le
Pont Marie, au Cigne,
M. DC. XLIX.





LETTRE ESCRITE A LA REINE
a la mort du Duc de Chastillon.



ADAME,

IE VIENS aux pieds de Vostre Maieſté sans passeporr, & quelque orage qui menasse mon dessein ou qui espreuve mon respect, i'ay creu me conseruer de l'un & ne point violer l'autre, quand pour y paroistre, i'ay fuiuy l'ombre & l'esprit de ce genereux Heros que la mort à rauy si impitoyablement à l'amour & a l'estime de tous vos subieçts. Le me suis couuert & teint de son sang, puis qu'ayant esté versé pour vous, les caracteres ne peuuent vous en deplaie, i'ay pris ses sentimens qui ayant tousiours esté intimement attachez aux interests de V. M. ne pourront aucunemēt estre soupçonnez, & pour le dire en vn mot c'est la voix mourāte de cette illustre victime que i'employe pour vous solliciter de pitié pour elle & de quelque serieuse reflexion sur les sanglantes & cruelles entreprises que vous faites contre vn peuple qui vous souhaitta si passionnēmēt regente, contre vne Compagnie qui vous y confirma avec tant de iustice & contre vne ville ou vous auez tousiours treuue tant d'affection & de si innocens plaisirs.

Je vous aduotie, MADAME, que ie ne puis penler sans estoñnement a cette mutation qui c'est imperceptiblement glissée dans cette belle ame dont les passions ne s'employoient autrefois qu'a bien faire & qui maintenant se mon-

estre si contraire a cette ville qui estend vostre gloire par toute l'Europe & qui s'aprestoit desia à la perpetuer dans la posterité des siecles, Paris le desir des Nations & le sejour de vos plus fidels Subiects, c'est à eux que vous adressez vos vengeancees & contre qui vos conseils deliberent, & ce qui sera d'eternel oprobre à vostre regence & en execration à tous les Peuples, c'est la legereté des motifs pour lesquels vous entreprenez de iustifier vn enleuement par la ruine d'un Estat dont vous n'estes que la Tutrice.

Dieu, MADAME, qui choisit les Roys & qui vous esleut pour l'espouse de Louis XIII. ne vous fit point partager son sceptre & suruiure a ce glorieux Monarque pour en souiller l'honneur & prostituer les conquestes, & ie le puis dire sans blasphemé, V. M. n'auroit point veu courber cet Empire sous ses commâdemens ny cette Monarchie plier sous ses loix; Si vne prematuree vertu n'eust obligé cet Auguste Senat a preferer avec respect aux dernieres volôtez de son Roy, les esperances que vous donniez d'un solide repos; Iugez MADAME, Si degenerant auioird'huy vous ne changez pas pour vous la face du Ciel & la submission de vos Peuples que vous ne condannerez point de rebellion sans doubte, si vous detachant de vous mesme pour penser à ce que vous deuez à la Couronne de vostre fils, vous considerez que les armes qu'ils prennent sont les effects d'une iustice visible dont Dieu punit cette indolence que vous auez souuent tesmoignée pour leur opression.

Ie sçay bien que vostre sexe ne vous donne point cette experiâce qui forme vne parfaite politique, mais la desolatiô des Royaumes voisins, & les frequentes Remonstrances de vostre Illustre Parlemét, que l'on a bien ozé nômer ces suites seditieuses de quelques caballes, estoiet des leçons suffisantes qui vous instruisoient de ce qu'il y auoit à faire

preuenir

preuenir pour cette charge d'Imposts; ces cōcussions impu-
nies, cette clameur de tant d'innocés, de vefues & d'orphe-
lins, qui ont enfin produit ce bloquement de Paris, la pro-
phanatiō des Tēples, les violemens, la deuastation de toute
la campagne, le pillage des lieux voisins & l'embrasement
de Charenton, qui a esté l'escueil de tant de Noblesse.

Le Te Deum que vous fistes chanter à la nouuelle de
cette si fatalle victoire, n'estoit ce point cette ioye pre-
ueuë du Sage qui se deuoit si soudainement changer en
dueil, puis que cette illusion affectée par ces Ministres qui
vous aprochent, fut suiuiue d'un cry public, qui vous obli-
gea d'en esuiter le bruit, que des années entieres n'apaise-
ront point: Cette prise que l'on conte au nombre des con-
questes, & pour laquelle l'on deserta la personne du Roy,
n'est-elle point honteuse & d'un singulier reproche à vôtre
Majesté, A ce Conseil où l'on ne deueroit entendre que
des oracles, à ce genereux Ministre qui se rend si necessai-
re auprès de vous, à toute cette Cour, interessée, au euglée
ou corrompue, puis qu'il se peut dire qu'en vingt-quatre
heures l'on a exposé pour vn verre d'eau, vn Roy qui nous
goûste tant de larmes & de prieres, & le plus florissant en-
tre les Royaumes: Cependant c'est l'autorité Royale
que l'on entreprend de restablir, si mieux l'on ne dit la ven-
geance de quelques particuliers, Si ce sont là les ouura-
ges legitimes d'une regence ou d'une conscience bien fai-
te, Si ce sont là des victoires & des occasions de valeur,
Alexandre s'est bien trompé de consommer sa vie à se
gagner tant de Prouinces, & Salomon fut le plus sage qui
nous en apprit le Mespris.

Mais ne croy point, MADAME, que vous manquiez
de lumieres pour connoître l'abandonnement que vous
faites de vostre Estat, puis que vous ne pouuez consentir à

cet estoignement de Paris en vne saison si contraire au diuertissement & à la santé que vous ne vous persuadiez quant & quant, que detachant le chef de son corps, la dissolution en est infaillible, vous en faites vne sensible experience, puis que vous y voyez perir ceux dont la naissance & le courage le peuuent dire necessaires à l'affermissement de la Couronne de vostre Fils, & que cette campagne toute teinte de sang, & jonchée de corps, vous apprend quel en doit estre le succez? Dieu fasse qu'il ne soit point plus funeste, & que le bras de sa justice, lassé de vous parler par le sang de tant de morts, ne s'adresse enfin à vostre Majesté pour s'en faire vne reparation publique & suffisante.

La voix du sang, MADAME, a toujours esté celle qui a formé dans le Ciel les foudres & les tempestes contre ceux qui ont entrepris de le verser, Et quoy que vous vous preualiez de vos forces, & que vos flatteurs & les ennemis de vostre gloire vous dient, Vostre Majesté ne peut ignorer qu'un Dieu, qui est le fort entre les forts, & le souverain Conseiller, sçaura tres bien se demesler des ressorts de cette malicieuse Politique, qui conclud la peste de tout vn monde, pour la conseruation d'un homme dont le nom ne merite point le papier, & de qui le Ministere fut vne can-grenne à vostre Estat.

Le pourrois adiouster avec beaucoup de raison, à la faueur de ce glorieux Esprit, qui a donné l'entrée de vostre Cabinet, qu'il est indigne de vostre Majesté, d'auoir choisi pour l'exécution de ce sac & de cette ruyne dont vous nous menassez, vn lieu qui fut toujours le Sejour des delices de nos Roys, celuy de vos Couches & le berceau de ce Monarque que nos vœux nous obtinrent. S. Germain que nous considérons come vn astre de bonnaire, qui auoit contribué au bon-heur de la France, ne sera plus regardé de nous que

cōme vne regio où grōndēt les orāges, & de qui nous naissent les disgrāces: A insi vous peruertissez les ordres, & vous voyez où vous vous engagez d'expier tant de maux par vn affaînement pretendu: Si c'est vne hostie digne de vostre passion: elle ne l'est pas de vostre qualité: Si vostre Cour vous applaudit, Dieu vous condamne, puis qu'il ne donne des euples aux Roys que pour en estre les Peres, & non pas les homicides, Il ne les conserue dans l'autorité que pour s'en seruir à leur bien faire. Enfin ce ne sont comme les autres que des hommes qui ne peuuent se soustraire à la puissance. L'on vous la si souuent dit dans les Chaires Chrestiennes où vous paroissiez si zelée, & l'exemple de vos yeuls vous en ont deu asseurer. Que si les decisions de vos Conseils ne se sont point accordez avec cette verité, vous ne l'auiez point deu soupçonner d'erreur, puis que l'Euangile est infailible, & que vous deuez vous souuenir qu'en ces rencontres Dieu parloit à vous, & qu'icy vous traittez avec des hommes.

Contre toutes ces experiences vous souffrez que des infames de naissance & descheus de tout honneur par leurs mauuaises mœurs sement entre vos Subiects le grain de diuision & qui les débauchent de cette vnion qu'ils ont avec cēt Auguste Senat qu'un ancien a fort bien nommé l'ame de la nation, par des placards imprimez avec vostre priuilege.

Ce qui est de plus innouy: vous permettez qu'ils employent leurs artificieuses impostures à surprendre la credulité d'un Roy en bas âge, pour former en luy vne inclination contraire à celle que vous luy communiquastes dans vos entrailles, & que Dieu verie dans son ame parle le merite du Sacre auquel il est preparé, n'est ce point vne maudite yuroye au milieu d'une abondante & belle mois-

Sont qu'elle erudition d'élever le cœur d'un Prince à la haine de son Peuple, & de souiller des passions naissantes que la maturité de l'age ne rend que trop violentes & peruerfes, Sont-ce là de legitimes moyens de vous reſtabliſſer dans l'eſtime & dans la creance, mais pluſtoſt ſe peut-il dire que vous vous acquittiez de cette glorieuſe tutelle à laquelle Dieu vous a commis? croyez-vous, MADAME, que l'eſſeſt que l'on en pretend fuſt capable ou de refroidir Paris pour le ſeruice de ſon Prince contre vn uſurpateur de ſon autorité & ce preſcript du Royaume, ou de rabattre de la probité de ces incorruptibles Senateurs qu'il voudroit bien ſacrifier à l'irruption publique, outre que ces cœurs inuincibles triumpheroient ſur leur tombeau, Dieu qui diſpoſe autrement de leurs deſtinez, rendra leur iſſuë glorieuſe par l'abattement d'un ſi laſche ennemy & par le ſecours de tout le Royaume à les defendre.

Quoi que le remords & ce vert de la cōſcience, MADAME, qui vous deſrobe ces bonnes œuvres qu'une vie toute occupée à l'amour de Paris, vous faiſoit ſi agreablement meſnager, me iuſtifie auprés de vous de la liberté de ma penſée, vous ne pouuez vous rendre ſourde aux ſemonces que vous faiſt le grand Chaſtillon, dont la perte eſt plus funeſte que glorieuſe à ceux meſme qui en deuroient profiter, Pour vous obliger de trouuer dans ſon Tombeau le terme de vos victoires, Il me ſemble que le hazard d'une ſi belle vie valloit bien l'eſloignement de cét homme pour qui vous exposez le Sceptre de voſtre Fils, & que les larmes qui pleurent ſa mort deuroient donner quelque temperament à cette impetuofité qui porte par tout le fer & le feu. Je vous laiſſe, MADAME, dans cét entretien, Peut eſtre que vous apprendrez plus de ſa cendre que de voſtre pourpre, & que vous ſçaurez regner quand vous ſçauerez bien mourir.

F I N.